

近代中國史料叢刊續編第二輯
沈雲龍主編


俞 俞 齋 詩 稿

史念祖著

文海出版社
有限公司印行

俞俞齋詩稿

初集



光緒丙午季秋
四校琴吟廣陵

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



俞愈齋詩稿

目錄

卷上

一一一九八

戊午年十七首（戊午即光緒八年以下類推）

一一六

己未年八首

七一一〇

庚申年五首

一〇一一二

辛酉年八首

一二一一六

壬戌年二十四首

一六一二四

癸亥年九首

二四一二七

甲子年四首

二七一三〇

乙丑年十首

三〇一三三

丙寅年二十二首

三三一三八

丁卯年九首

三八一四三

戊辰年二十二首

四三一四九

己巳年十七首

四九一五七

庚午年六十七首

五七一八四

辛未年三十一首

八四一九八

壬申年三十八首

九八一二一

癸酉年十三首

一一一一一七

甲戌年七首

一一七一八

乙亥年七首

一一八一二二一

丙子年二十七首

一二一一一三一

戊寅年四首

一三一三一三五

己卯年六首

一三五一一四一

庚辰年二十一首

一四一—一四八

辛巳年九首

一四八—一五一

甲申年十九首

一五一—一五八

乙酉年十三首

一五八—一六四

丙戌年七首

一六四—一六七

丁亥年四首

一六七—一七〇

戊子年三首

一七一—一七二

己丑年十二首

一七二—一七六

庚寅年六首

一七六—一七八

辛卯年二十五首

一七八—一八八

壬辰年二十首

一八八—一九八

卷下

一九九—三七六

癸巳年十七首

一九九—二〇六

甲子年七十二首

二〇六—二三三

乙未年三十六首

二三三—二四六

丙申年一百零九首

二四六—二九九

丁酉年四十六首

二九九—三一四

戊戌年六十首

三一四—三三五

己亥年五十六首

三三五—三五八

庚子年三首

三五八—三五九

辛丑年五首

三六〇—三六二

壬寅年十三首

三六二—三六六

癸卯年十三首

三六七—三六九

甲辰年十五首

三七〇—三七四

乙巳年四首

三七四—三七六

俞俞齋詩稿初集

江都 史念祖 繩之

卷上

戊午

村居雜感

讀書在古寺兄弟樓上宿樓前望市衢樓後叢竹木家貧更遭兵母
病苦啜粥少小知奮發往往互責督賜書高於梁劫灰無尺幅一紙
欣可借五夜手抄讀

前年大暎旱終歲未食米去年冬雪微遺蝻凍不死今年真豐穰當
鑪醉人靡昨日延先生公然設酒醴江北滿兵戈此地幸偏鄙忽聞

有言不復言
易大將徵民築礮壘壯年殊不幸驅之若羊豕蟄蟲才蠕動霜風天
末起克城僅恃礮火攻下策耳頗聞賊無礮何爲亦至此歸田尙非
計避世伊胡底

三五大家子避賊來鄉居零落已如此夢不忘歡愉秋風一時起舊
錦能耀軀行此田塵中可惜污羅裾老叟不讓路勢欲怒捋鬚再三
乞死罪一笑矜其愚

春曦藹牆樹一見一回綠十日客不來入門滿新竹人生貴善變誰
能終蜷跼側身望西徼長風送黃鵠羽翼本自具無乃風爲速感此
心暴棄萬物皆勉勸

北澗

萬綠深中認古槐一村都爲避秦來亂飛白鷺秧齊插無數紅蜻蓮
正開市散人爭呼渡去寺荒僧自課耕回夜深試望雷塘火敢向西
風問劫灰

雨後

春波泛綠與橋齊蒲沒青尖禿柳低昨日汀花留未採潮生行不到

前谿

野寺納涼同五兄蓮叔

螢光溼雨明滅飛昏月挂樹松風吹露凝落葉墮微響宿鳥撲撲驚
高枝古碑卧地斷可坐翁仲無言拱道左溪東大塚鬱林莽野狐出
沒逐燐火半晌問答聲響息僮攜燈來滿眼黑轉念身世各努力兄

弟夜吟亦難得

老漁

三面皆春浪萍花繞一邨年華憑月滿身世問潮痕魚網曬當屋鴨
聲喧到門夕陽牽小艇出酒喚兒孫

七夕雨霽

秋期愁思自年年要路橫槎信有權石破逗枯銀漢水絲牽不借鵲
橋緣屏張雲母寬留月帳撒天孫薄織煙望斷紅樓無限意玉繩低
去未曾眠

江北帥

殘局收回益自豪書生定策快揮毫兩行侍帳紛紅袖三十登壇負

白旄趙括談兵饒戰畧周郎顧曲醉醕醪風流能鑿奇花石銜尾樓
船轉運勞

大旗迎日戟門開金紫輝騰盡將材百戰能驅狂寇去一階幸博璽
書回春風柳帳笙歌聒夜雨蕪城鼓角哀烽火隔江紅照眼聯翩捷
報自東來

春日

平湖花開鶯亂啼雕車畫舫夾橫隄樓上綠牕被樹迷門前垂柳拂
船低游人如雲不我顧微吟獨度谿橋西

宿廟頭鎮司徒廟

鏡塘寫桂影鉤月鈞松巢清冷斷羣籟禪門何處敲

塘上行

秋萍戀晚塘塘水清如許學得駐顏方再結同心侶

東臺讀書獨留一載將回小海懷三兄仲良廬州

龍戰中原羽檄忙弟兄江海苦相望音沈皖水烽煙迴師困金陵日
月長客裏容身皆大厦宵分無夢不高堂讀書學劍知非計乞福詞
章更渺茫

卽席贈歌者兼嘲程司馬希禹

湓浦琵琶恨未深六絃添出寫秋心弓彎破夢翩翩舞絲裊無痕宛
轉音惜別大難藍尾酒用情容易白頭吟他年重訪清江道綠葉成
陰何處尋

已未

苦雨行

天不雨東皋禾麥不出土天欲雨道上行人征戍苦欲雨不雨心京
京吁嗟天亦難爲情

梁少卿師授大洞經

江南草枯滿戰血矮屋書聲宵不絕先生入門撲衣雪對榻一鐙被
如鐵洞經開卷祛塵心有聲無字參梵音眉間黃氣照一丈山鬼竊
聽奔松林舉世捨身逐名利苦鑽故紙博高位醉心華腴畏淡泊故
闢虛無豈本意古來慧業培髫年文章富貴根先天歐公崖洞覩四
字石子蓉城司百仙七十二日同渡海東坡獨結僧伽緣埋頭蓬蘽

聽大礮黑劫不自我後先虎鈴豹韜且緩讀借力龍象親年延明朝
踏雪視同學驕人摩厲敲門輒

讀書司徒廟

踏徧港邊路鐘聲朝暮聞寺荒容穢莽牆短遲斜曛息腳坐黃葉舉
頭飛白雲烽煙迷出處羈泊苦論文

蒸裹

鳧糜菜甲宜蒸裹馬齒榆錢合冷淘童子上鐙飽欲睡書聲得酒天
爲高

征夫吟

丈夫當請纓揮手勿復慮護中兒問爺但說封侯去

讀淮陰侯傳

項王肉眼不足鄙執戟爲郎空拊髀漢王號稱善將將蕭相追亡馬
蹄駛崩通相背不知心良平嫉功爭附耳下至絳灌更無論送迎稱
臣徒拜跪風塵將相物色難撥亂羣雄尙如此古來抱器老溝壑得
一真知敢辭死一生貴賤走天下刻骨知君竟誰是呂后英雄漂母
奇傷心生死兩知己

古意

美人不世出嫁必輕薄兒奇士不世出遇必離亂時天公最有心可
以見操持

春陰

雛燕學翻楊柳風乳鶯啄落桃花紅潮生處處添新漲春在江南煙雨中

庚申

秋懷

鴻雁一夜至草木淒以秋出門忘所如欲行還復留兄弟兩三人隔別在他州功名滿天下亦思事遠游長恐奮雲翮先累高堂憂跋蹇不稱意坐使日月流豁然悟際會時來非人謀富貴儻逼臣不辭亦不求

閏月魚行

東海閏月推大魚身長三十六丈餘猴頭如屋萬牛重一夜風濤海

神送龍拏鯨掣猶崛強霹靂一聲要害中千年潛伏修無功無辜醢
菹韓彭同豈以擇肥搏噬似貪吏饕餮甯過鯤鵬雄抑以尾大不掉
類雄鎮川澤作孽多聳蟲吁嗟我有一言問天公

楊柳枝

楊柳枝一杯酒途路長君北走行樂須及時盛名誰不朽燕子妒春
風春風怨楊柳

潁州

寡合幸岑寂留春多苦思家貧難結友世亂慎吟詩飢渴強嚴幕光
陰糜董帷又聞擾江北鄉信隔年遲

送俸九司馬歸衡湘

有夢越湘漢絕裾歸釣廬檣鳥飛接肉水鴨沒擒魚病耐三年艾朋
催一束書江湖猶鼓角肯使老樵漁

辛酉

戲題楊小坡銅雀瓦硯

楊子頗好古片瓦矜獨得泥沙傲瓊瑤陶冶見人力滑膩不留手鮮
潤來蒸栗誰種翰墨緣幸脫塵土質未可遽磨礪持看先拂拭真贗
爭千年嗥辨騰一室鸚眼啗贅旒牛毛認皴蝕尺寸引掌故毫釐互
推測瓦雖不自言好者獨能識微聞浮脆性不耐淋漓墨攷古埒秦
甌得用讓端石笑彼黃石公無奈黑山賊珍襲襲乃名垂拱失其職
歸然漳水頭臺高礙白日萬瓦覆其上翬飛張鳥翼埋沒巖逾千賞

鑑願酬一當時極侈靡勞民非所恤儻知後人寶更須加采飾嗟哉
未央瓦相照無顏色

義門集看挑大凌河官馬

飛鞚無塵宜大漠步趨深穩入官家一爲天馬難知已不遇監車遇
鼓車

三里灣

潁河渡頭落日黃大船未到鑼聲揚半篙撐水影先曲一火隔簾光
驟長繫纜爭沽黃柑酒推總欲放珠蘭香座中何官未可問夜半琵琶
多感傷

擬宛轉歌

春雨來苔痕綠上階離愁沁骨賸癡立燕啄香泥打鳳釵歌宛轉宛
轉淒以悲願爲絲與棠冷暖繫君衣

秋蛩鳴罽人到五更淚痕浸面暗移枕何處笙歌入夢聲歌宛轉宛
轉淒以傷願爲新釀酒日日洗君腸

春暮泛舟

楊柳忽飛絮春波轉綠萍村橋通短檣驛路傍空亭流水自然碧遠
山隨意青夕陽認前浦一鷺入蒼冥

初夏

大地都成碧行人路欲迷小山環破屋遠水漫荒隄雨過人心淨風
來樹影低登高望千頃天與麥花齊

塞上行

君不見黑水西流聲湯湯柳紅骨白黃沙黃天山五月報夜雪三尺
五尺埋牛羊朔風割面淚盈把泣血低頭衣盡赭葡萄圓滴綠玉珠
不惜沙蟲換天馬公主明璫二八嬌單于拜受錦袷袍偷生尉史洩
天語馬邑精兵部署勞燕支山頭一片月照見閨中好顏色萬里同
時怕舉頭傷心不在圓與缺曲背橐駝千里足夜吹羌管妖鴉哭黯
蝕金魚還戍邊首功不論生還贖虜粟何嗚嗚班馬何蕭蕭夜不成
寐心焚焦箭在牀頭弓在腰秋深草死蒼鷹搏獵火薰几飲羊酪射
盡年年北去鴻不見鄉書來大漠看刀莫看刀上環刀環磨缺紅斑
斑苦戰無休莫如死魂去猶得返鄉里吁嗟乎英年掉臂探封侯沙

深鬼火吹骷髏豈無唾手上麟閣老幸萬千空白頭

壬戌

午睡

睡起天忽暝晚風吹我衣默坐寂萬籟落花隨意飛風過有清響日
落無餘暉感此悟焜耀已伏息滅機解會良非難搖惑在當時萬喙
詠澹泊息機知是誰

春陰

風弱雨霏霏茶煙撲畫幃故人日憔悴燕子自輕肥小草踏成路落
花飛上衣漫憐春事好有客羨春歸

潁州被圍書贈楊蘭坡

蘭翁蘭翁何軒昂天生雅骨真當狂有明卜里平阿鄉民籍舊隸關
西楊讀書兩眼如電光白頭蹭蹬羞爲郎去年得上君子堂縱論時
事聆雌黃童穉不敢旗鼓當辯口亦復懸河長西來鐵騎攻順昌孤
垣奮臂同螳螂一城叫呼驚沸湯捉人守堞如驅羊敵利急戰無儲
糧肉食者謀徒倉皇我且與君登城望開門還自搜詩囊雲外飛來
詩兩章味古人骨銷鋒芒使我讀之神洋洋筆陣橫掃千軍強惜翁
不善刺瓊漿三蕉葉過神頽唐不然我當酬十觴消除塊磊澆詩腸
鞭催赤日羲和忙作健行樂毋摧傷三萬六千日正長一杖雙屐同
徜徉桃源渾沌忘炎涼盤谷幽深悲潛藏赤松招手呼子房白雲飄
飄飛鸞凰千里萬里開疆場拂衣四顧徒彷徨

落花

夾隄煙柳碧於油三月陰陰啼雨鳩滿地紅迷歌扇影教儂踏處忍
低頭

春山十里順風香萬燕千鶯詞舞忙水面桃花仙路近莫將落魄比
文章

得上雲鬟有夙因願為紅雨豔紅塵鸞飄鳳泊天難怨留住人間幾

日春

諸將時勝帥克齋由穎州將赴西安袁帥午橋駐臨淮已逾三載苗沛霖以徐立壯私怨叛攻壽春守壽春者則翁祖庚中丞也

何物尉繚子用兵專主刑三令已下乘曷一反其身飛檄禁攘掠大
帳羅異珍輿儻厭羅綺皎容實要津歡顏接溫詔特進尙書郎雄劍

不輕按七寶黃金裝旄鉞耀千里侍姬列兩行香風送紅粉軍氣早
不揚

長淮衣帶水東去流湯湯夾山自成險況乃萬戰艘商賈稅什一財
足勢益強南寇許列土又襲其名王將軍受上賞自詡指臂良免論
抗節罪特表自新長激之固非策撫之當有方不見劉牢之三反以
爲常

壽春如可灌早已爲魚鼈大帥慎勿驚慷慨勵士卒虛聲見智窮急
攻知糧絕侂冑縱跋扈快敵殊非策自弱志已搖痛哭腔血熱天心
脫有變請看蘇武節

掌鉞鎮淮水兩岸荆榛高炙手勢絕倫公子拖金貂寵多大權分令

寬偏裨驕滁山變林壑八公增岵巖兩大伏肘腋卧榻羈縻勞太阿
自有柄得失爭秋毫空煩乞骸骨將衰卒不豪營門敲落日大纛風
蕭蕭

孤琴曲

琴聲夢夜不宜晝雨霽月明真雅候閉門還恐驚塵凡孤鶴拳足守
殘漏初彈枯桐飢鳳啼候變送別南浦悽文人噉氣思婦泣禪僧入
定音爲低改絃促柱試再鼓一劍風塵年十五將創圍台擊角悲母
病燈昏書聲苦少年悔爲成虜忙哀樂感應同宮商曲終不知冷月
落松陰走上幽人堂

小游仙

依舊溪環雲母牆夢魂悲喜雜迴腸萬花叢裏雛鬟報一語親傳姓
字香

塵寰提起太辛酸斬絕前緣卻又難不避上清諸女伴本來忠孝是
仙官

替藏寶誥入金鈿笑語諸真了俗緣鋒鏑煙塵文字海翻身莫認作
頑仙

一念差離兜率宮百年小別刹那中諸天眷屬分明在不藉人間玉
杵功

又參仙伯拜雲臺爲報君親歷劫哀鬟影滿牕聞暗歎紅塵三度幾
人回

荒疏琴意並簫心
劍近粗豪詩費吟
輸與靈瑛石公子
一房雜奏盡知音

特著蟬綃八月游
銀河如雪正西流
囑郎玉骨加冰鍊
禁得蟾宮奪魄秋

採芝踏破萬山來
同照朝真玉鏡臺
張老白頭王老老
有人私議地仙才

讀杜子美三大禮賦致慨

司馬奧援能賣賦
子雲特薦始承恩
金門不立通元匱
一字無由達至尊

雲水寺題壁

幾曲溪流抱白沙鐘聲催起暮林鴉老僧扶病出門去野草半山開
紫花

松柏吟

碧桃花可玩甘李子可餐東園西圃少隙地勸植嘉木搖頭難去冬
大霜霧今春大風雨百果忌傷根十不活四五試看松柏林黛色無
今古子香堪潤肌薪餘饒可賈更與曾元作棟梁甯惜階前咫尺土
下蔡

早起披襟坐天空曙色新雲中望城邑一笑更無人風定水如熨雨
晴山露皴冬來重過此最好是清晨

瓢城除夕不寐

每歲都能守今年肯竟眠思親千里遠得氣萬人先日湧赤磨日霞
飛紅在天低徊復四顧人語始喧闐

癸亥

過韓侯釣臺

垂釣英雄事嚴陵亦有臺桐江春鳥喚楚水怒濤回漢室自忘義
生尤可哀千秋論功過君亦不憐才

再過韓侯釣臺

烹狗藏弓日英雄悔恨多儻留西楚在其奈假王何斷碣埋荒草高
臺俯逝波千秋思漂母此地幾悲歌

宿遷遇風